



敏豆

春天个腳步正來，敏豆姆就煞猛牯在園仔个籬笆項邊等藤，佢想愛同敏豆家族个勢力休闊，好占有一定个範圍。

佢辛辛苦苦邊上籬笆，在厥藤仔項開等三蕊盡開个花。佢盡辛苦个渡等這兜花，過咁一季个時間，三蕊花變作三支敏豆兄弟在藤仔頂高慢慢仔大。「唉哉唷！你等正式係僱登真个心肝寶貝啊！」敏豆姆看等自家个細姪仔一日一日个大，心肝肚感覺著十分安慰！

下後，佢緊同這三個細姪仔講：「等日後你等大咁、熟咁，佢會同豆莢打開來，該時節你等定著愛勇敢兜仔，用你等个頭腦，想盡辦法做得彈幾遠就彈幾遠，等跌落泥過後，你等愛想辦法落腳、生根，再像僱仔邊上籬笆休闊自家个範圍。」

等啊等仔，敏豆三兄弟既經熟水咁，佢等愛去另勢發展自家个家園咁。這時節，敏豆姆確佢等三個：「等風吹過來該下，你等就愛利用這機會，用你等曉得个辦法彈啊遠遠仔，僱仔佢等敏豆家族正有法度開展生存个範圍。」

敏豆姆緊確等，佢等三兄弟緊領等頭那，每個人都想愛試看啊用自家最大个能力，去最遠个地方生根、邊闊自家个範圍。風來咁！敏豆姆同豆莢打開，大阿哥就利用豆筴一打啊開該下个彈力，同自家彈啊盡遠盡遠。敏豆姆看著，心肝肚暢啊緊攢葉仔。跔等就同另外兩兄弟講：「有看著若哥个表現無？你等愛學佢，係做得盡量彈遠就彈遠兜仔啲！」

風又吹來咁！敏豆姆又同豆筴打開，二哥學厥哥个格式，用力一彈，彈啊盡遠盡遠，無堵好跌啊在一粒大石頭項。「阿姆哀！還痛哦！」就在佢痛啊哇哇滾該下，因為撞著个彈力，佢又再彈起來，這下佢彈去比厥哥又還過遠个地方。

「俵仔啊！有仰仔無？食兜啊苦，你用石頭个彈力，去到比若哥過遠个地方，蓋壁哦！」敏豆姆安慰等第二個俵仔。

過咁無幾久，風又吹來咁，敏豆姆又再同豆筴打開，毋過這時節細老弟嘎無停動。厥姆看著僱仔，就緊催等：「你仰毋像阿哥佢等共快彈啊盡遠个地方去呢？」毋管厥姆仰仔逐，這細老弟還本本怙怙無停動。敏豆姆心焦起來，急啊會死，就催無停。這時節飛來一隻禾鴨仔，佢看著細敏豆仔，黏時就啄咁啣在嘴項，飛走咁！敏豆姆看著細老弟分鳥仔夾走，痛腸啊會死。

該隻禾鴨仔飛得盡遠、盡遠，佢掛在樹仔項轉擺，無幾久又再飛啊過遠个樹仔項。就在佢閉開翼，又過愛飛走該下，細敏豆仔跔等該鳥仔「啾」一聲，嘎跌下來咁！佢跌下來个所在正式有罈遠，敏豆姆看著就擲開聲骸个大喊：「有嚇著無？這下你去到最遠个所在咁！」

這時節細敏豆老弟乜對盡遠个所在同厥姆喊：「愛來到佢遠个所在，定著會有風險，僱知啦！係想成功定著愛出兜啊代價。」

這時節，敏豆姆看等厥三個俵仔，暢啊緊攢厥葉仔。

作者：陳志寧

☆詞彙學習☆

【休闊】bi' fad'：拓展範圍。

【轉擺】zon' bai'：休息。

【另勢】nang sii：別的地方。

【確】doi：提醒。

【格式】gied' siid'：形式、樣子。

【掛】kiam'：用腳爪抓著停留。